



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Petri Petiti Philosophi & Doctoris Medici, Miscellanearum
Observationum Libri quatuor**

Petit, Pierre

Trajecti ad Rhenum, 1682

Cap. XXIX. Quo sensu beatus Hieronymus, Ruffinum, Calphurnium
ianarium appelle?

urn:nbn:de:hbz:466:1-13245

Tρετζες Trojam primum ab Hercule, deinde ab Amazonibus; tertio ab Agamemnone expugnatam refert: quem Brodæus sequitur; non tamen auctores defuisse putandum est, & fortasse graviores, qui ejusdem civitatis eversionem ab exercitu Græcorum sub Agamemnone, secundam ab illa Herculea, quam primam fuisse convenit, dicerent. Primum scilicet Trojam captam fuisse ab Hercule ob equos Laomedontis: 2. ab Agamemnone inducto in urbem ligneo equo. 3. a Charidemo, cum equo in urbis ingressu prolapso, porte occludi non potuissent. quo ordine triplicem hujus civitatis calamitatem, ut magis vulgatam & certam Plutarchus in præfatione ad vitam Sertorii, in illa insimilium fortunæ eventuum inductione proponit his verbis: Εάλω δέ τὸ Ἄλιον υφ' Ηρακλέους διὰ τὰς λαομέδοντος ἵππους, καὶ υπὸ Αγαμέρινος διὰ τὴν διεξεις προσαγορευθέντος ἵππος, τρίτον δ' υπὸ Χαριδήνης ταῖς πύλαις ἵππος τινὸς ἐμπέσοντος.

CAPUT XXIX.

Quo sensu Beatus Hieronymus, Ruffinum, Calphurnium lanarium appellet?

Hieronymi verba hæc sunt in *Apologia adversus Ruffinum*: Nam ut tibi sciolus esse videaris, & apud Calphurnianos discipulos doctrinæ gloriam teneas, totam mihi physicam opponis, &c. rursus in eadem *Apologia*: Nimurum iste est Sallustianus Calphurnius. Præterea in epistola quadam ad

San-

Sanctum Augustinum: *Misit mihi temeritate solita sua maledicta Calphurnius cognomento lanarius, quæ ad Africam quoque studio ejus didici pervenisse.* Quid igitur sibi vult Hieronymus tali Adversarii transnominatione? Erasmus in commentariis hoc explicare conatur, sed longe, meo quidem judicio, a proposito aberrat; *Ita subinde (inquit) vocat Ruffinum, ut indoctum & Crassum.* Et in comment. epistolæ ad Augustinum: *Nisi fallor, sentit Ruffinum, quem ita subinde vocat, velut indoctum & culinæ quam literarum studiosiorem: alludens ad Persianum illud:*

*Continuo Crassum ridet Vulphernius ingens
Et centum Græcos curto centuisse licetur.*

quandoquidem in nonnullis Persii codicibus *Calphurnium* legi pro *Vulphernio*. Mox de etymo hujus nominis subdit: *Videtur autem vox conficta a calido furno, ut & cognomentum lanarii a lanionibus, qui carnes vendunt in Macello.* Quæ annotatione Erasmi (pace viri tanti dixerim) ridicula est. Quasi vero id nomen per F. & non per P. scribatur. Vetus enim & genuina scriptio est; *Calpurnius*, unde postea *Calphurnius* dici cœpit. Nam a *Calpo* auctore ejus gentis nomen *Calphurnii* deflexum, vel ex *Lucano* constare potest, qui id expresse docet in *poëmatio ad Pisonem*:

— *Hinc tua Piso
Nobilitas, veterisque citant sublimia Calpi
Nomina, Romanas inter fulgentia gentes.*

Nec minus ridicule *Lanarii* cognomentum a *Lanionibus*, contra omnem analogiam deducit. Sed neque verum, quod ibidem dicit, ejus nominis argumento, argui *Ruffinum*, ut *crassum*, & *culinæ*, quam literarum studiosiorem. Immo hunc eloquentem & studiosum fatetur *Hieronymus*: tantummodo ut malignum, arrogantem, & temerarium

rarium, atque etiam *Origenistam* traducit. Quod eloquentem agnoscat, verba ipsius indicant in eadem *Apologia*, quibus sannam repercutit exprobrantis sibi lectionem Ciceronis & aliorum auctorum *Ethnicorum*, idque occasione somnii, quod *Hieronymus* ipse vulgaverat, in quo accusatum se, ut Ciceronianum, & judicis supremi sententia peinas dedit memorabat. Hoc (inquam) cum ei exprobraret *Ruffinus*, *Hieronymus* hunc ejusdem criminis damnandum esse convincit his verbis: *Unde tanta tibi verborum copia, sententiarum lumen, translationum varietas, homini qui oratoriam vix primis labris in adolescentia degustasti? aut ego fallor, aut tu Ciceronem occulte lectitas.* Quin eidem mox, & flumen eloquentiae, & ingenii magnitudinem tribuit, hunc in modum scribens: *Et ideo tam disertus es, mihi que lectionis ejus (Ciceronis) crimen intendis, ut solus inter Ecclesiasticos scriptores eloquentiae flumine glorie ris: licet magis philosophos sequi videaris, spinas Cleanthis, & contorta Chrysippi, non ex arte quam nescis: sed de ingenii magnitudine.* Rursus in ejusdem apologiae decursu, multis interjectis, sic de quadam Ruffini epistola loquitur: *Ex quo apparet te illam epistolam, aut pluribus diebus scripsisse, ut stili ipsius elegantia probat: aut si tumultuaria dictio est, nimium te esse negligentem, qui cum extemporalis talis sis, meditatus deterior fueris.* At hunc imperitiæ arguit *Hieronymus*. Quid mirum? in responsione scilicet, cum se ab adversario docto & eloquente in multis reprehensum doleret. omnino igitur de *Calphurnio Lanario* in iis *Hieronymi* locis fugit ratio *Erasmus*. supereft, ut, quid conjecturæ mihi in mentem venerit, dicam. Reperio apud *Plutarchum* in vita *Sertorii* quendam fuisse *Calphurnium*, cognomento *Lanarium*, Syllanis temporibus; ex eorum numero, qui Syllæ partes sequebantur. Hunc autem insidiis, quas *Julio Salinatori* struxit, & capitali perfidia innotuisse. Nam cum *Julius Serto-*

Sertorii, qui post Marianæ factionis cladem in Hispaniam se repererat, jussu, Pyrenes claustra armis teneret, Anniumque unum e Syllæ ducibus aditu prohiberet; nec vi aperta præsidio dejici posset, *Calphurnius*, qui in Anni exercitu erat, ut credere par est, sese esse transfugam mentitus, in Julii castra irrepit, atque ibi amicitiæ prætextu fallens capta occasione hominem insidiis necavit. Καλπύρνις δέ τιν^Θ ἐπίκλησιν Δαναοῖς, δολοφονήσαντ^Θ τὸν Γέλιον, καὶ τῶν σερατιωτῶν τὰ ἀκρεατῆς Πυρενῆς ἐκλιπόντων, υπερβαλὼν Αἰγαίο^Θ, ἐπήει χειρὶ μεγάλῃ τὸς ἐμποδῶν ἀνιεσίδι. Nihil ergo absurdi sit putare *Hieronymum Calphurnii* istius nomine abusum, ad significandum proditorem, ac perfidiam in se *Ruffini* oblique designandam: quod hunc non minori scelere sibi insidiatum crederet. Qui si non ferro caput suum petiisset; certe famam vita ipsa cariorem, lingua & scriptis maledicentissimis, quantum in se erat, oppressisset.

CAPUT XXX.

Plutarchi locus insignis emendatur & explicatur.

In libello, qui inscriptus est: εἰ καλῶς ἔιρηναι τὸ λάθε Σιώσας; quæ sententia est Epicuri, & fertur in primis, commendantis otium & vitæ latebras iis, qui bene vivere volunt; locum repetrio insignem, sed cujas sententiam frustra ex editionibus quisquam consequi studeat, nedum ex Amioti nostri versione, qui corruptum esse hunc non vidit: Δοκῶ δὲ ἐγὼ καὶ τὸ ζῆν αὐτὸ, καὶ ὅλως τὸ Φῆναι καὶ μελαχεῖν ἀνθεώπων γενέσεως, εἰς γνῶσιν ὑπὸ θεοῦ δοθῆναι. ἕστι δὲ αἴδηλο^Θ καὶ ἄ-

γνω-